



OPĆINA STARI GRAD SARAJEVO
Općinska izborna komisija

OBAVJEŠTENJE

za birače koji ostvaruju pravo na glasanje, a pozitivni su na COVID-19 i/ili birače kojima je određena izolacija ili hospitalizacija

Biraču čije se ime nalazi na izvodu iz Centralnog biračkog spiska za glasanje na redovnim biračkim mjestima na području Općine Stari Grad Sarajevo, a koji je pozitivan na COVID-19 i/ili koji posjeduje akt nadležnog organa o obaveznoj izolaciji ili se nalazi na bolničkom liječenju, zbog čega nije u mogućnosti da dođe na biračko mjesto na kojem je upisan u izvod iz Centralnog biračkog spiska da glasa lično, bit će na njegov zahtjev omogućeno glasanje.

Gore pomenuti birači će glasati putem mobilnog tima na kućnoj adresi, a glasačkim listićima koji će se izuzeti sa redovnog biračkog mjeseta. Dužnost svakog od ovih birača jeste da najkasnije u roku od 72 sata prije dana izbora lično (putem e-mail oik@starigrad.ba, zvaničnim viber brojem 062/846-656, fotografijom dokumenta ili putem drugog lica) dostavi Općinskoj izbornoj komisiji Stari Grad Sarajevo, zahtjev za glasanje putem kovertiranog glasačkog listića sa medicinskim nalazom koji potvrđuje da je pozitivan na COVID-19 i /ili akt nadležnog organa kojim mu je određena izolacija ili hospitalizacija.

Birač kojem je dijagnosticiran COVID-19 nakon isteka roka od 72 sata prije dana izbora, ili na sam dan izbora, zahtjev za glasanje, dužan je dostaviti najkasnije na dan izbora, na gore opisani način, a glasat će takođe kovertiranim glasačkim listićima u skladu sa predhodno utvrđenim rasporedom obilaska birača, Posebnog mobilnog tima.

